



SIARAN MEDIA

SURUHANJAYA INTEGRITI AGENSI PENGUATKUASAAN

SESI LIBAT URUS ANTARA EAIC DAN JABATAN PERHUTANAN SEMENANJUNG MALAYSIA SERTA AGENSI ANGKASA MALAYSIA BAGI TUJUAN PEMANTAUAN PENCEROBOHAN HUTAN MELALUI TEKNOLOGI

UNTUK SIARAN SEGERA

29 MEI 2025

Suruhanjaya Integriti Agensi Penguatkuasaan (EAIC) selaku Ketua Peneraju Focus Group Penguatkuasaan telah mengadakan sesi libat urus Pasukan Petugas Khas Indeks Persepsi Rasuah (CPI) bersama Jabatan Perhutanan Semenanjung Malaysia (JPSM) dan Agensi Angkasa Malaysia (MYSA) bagi membincangkan mekanisme kawalan dan pemantauan kawasan hutan menggunakan teknologi satelit secara proaktif.

Sesi di Pejabat Agensi Angkasa Malaysia (MYSA) yang diketuai oleh Puan Asliza Ali, Setiausaha merangkap Ketua Pegawai Eksekutif EAIC hari ini melibatkan penyertaan seramai 20 pegawai kanan daripada ketiga-tiga agensi, bertujuan memperkukuh kerjasama rentas sektor dalam usaha mempertingkatkan keberkesanan penguatkuasaan serta pemuliharaan sumber hutan negara.

Antara fokus utama perbincangan adalah:

- Penggunaan data satelit dan penderiaan jauh oleh MYSA dalam mengenal pasti kawasan yang berisiko tinggi terhadap pembalakan haram.
- Kerjasama teknikal dan sokongan data antara MYSA dan JPSM bagi tujuan pemantauan berterusan.

- Peranan EAIC dalam memantau aspek integriti dan ketelusan penguatkuasaan undang-undang berkaitan perlindungan hutan.

Sesi ini turut membuka ruang kepada penambahbaikan sistem pemantauan dan penyelarasan lebih strategik antara pihak penguat kuasa, agensi teknikal dan pemegang taruh. Usaha ini menyasarkan liputan pemantauan berasaskan teknologi terhadap 100% kawasan hutan berisiko tinggi.

EAIC akan terus komited menjalankan pemantauan, menilai keberkesanan penguatkuasaan dan mencadangkan penambahbaikan demi menjamin kelestarian alam sekitar dan kepentingan awam.

Sebagai makluman, Mesyuarat Pasukan Petugas Khas CPI Bilangan 1 Tahun 2024 yang dipengerusikan oleh Ketua Setiausaha Negara pada 3 Oktober 2024 telah bersetuju dengan penubuhan enam (6) Focus Group Pasukan Petugas Khas CPI bagi memperbaiki prestasi Malaysia dalam Indeks Persepsi Rasuah menjelang tahun 2033. EAIC telah diberi tanggungjawab untuk menerajui FG Penguatkuasaan, yang memberi fokus kepada aspek integriti, kecekapan dan ketelusan penguatkuasaan undang-undang di negara ini, termasuk dalam isu-isu berkaitan penguatkuasaan alam sekitar, jenayah hutan, serta tadbir urus rentas agensi.

#TAMAT#

SURUHANJAYA INTEGRITI AGENSI PENGUATKUASAAN (EAIC)
PUTRAJAYA